

L V C E R N A

S P L E N D E N S

super candelabrum sanctum.

Ecc. 26.

S I V E

L A V D A T I O

F V N E B R I S,

Admodum Reuerendi

D. S E B A S T I A N I N V C E R I N I

Sacræ Th: D. Canonici Sendomirien. & Scar-
mirien. Ordinarij Ecclesiæ Cathedr: Crac.

Theologi, vita functi.

*M. Jacobo Vitellio Tyliciano Professore, Ecclesiæ
Sanctæ Annæ Canonico, in Funere
proposita.*

C R A C O V I A E,

Ex Officina Francisci Cæsarij. Anno D. 1635.


xxiv. 6. 103

Quod nauigantibus tranquillus
portus est; hoc ijs qui huius vitæ
procellis agitantur migratio ad
alteram vitam existit.

D. Nazianzenus orat. in funere Patris.



L V C E R N A
S P L E N D E N S.



Vpremu exequimur officium, viro
opere & sermone, & vitæ innocentia,
apud Deum & homines meritissimo,
SEBASTIANO NV CERINO.
Vtinam diutiùs luceſceret Eccleſiæ Dei
hæc lucerna Iſrael; quæ populo, in hac
vitæ caligine, viam cæleſtem, virtutibus ſuis tanquam
luminibus clariſſimè præiuit: non ita dolendam domus
Dei accepiffet orbitatem. Sed poſtquam clariſſimè ef-
fulſit, & omnium oculos mirificè recreauit, non extin-
cta eſt vlla mortalitatis violentia: verùm in ſanctiùs trãſ-
lata candelabrum, plenâ annorum & meritorum matu-
ritate. Etenim mors, quæ mortales hebetauit oculos,
clariſſimam eius in Eccleſia principe, & vniuerſa Diœ-
ceſi, meritorum lucem, non potuit obſcurare. Viuet
hic integerrimus conditione ſacerdos, officio Dei ad po-
pulum Nuncius, viuet inquam in omnium iucunda re-
cordatione, eruditorum admiratione, viuet in bonis
proborum deſiderijs: qui exemplar vitæ ſimile, vim di-
cendi æqualem, laboris parem aſiduitatem, in eo quod
geſſit munere, diutiſſimè requirent. Mihi verò tanta
temporis anguſtia circumcluſo, dolendum: ad eius vir-
tutes ornatiffimas, parem animi & ingenij facultatem

afferre non posse: præsertim cum se ipse in memoria & sensu omnium, non fucatis sed veris & viuis expressisset coloribus. Quid enim tenui dictione eius augeam opinionem, qui vel nomine ipso, etiam apud eos, qui nunquam hominē viderāt, magna fuit eruditionis & probitatis existimatione? si quidem quò ipsius nomen, eodē & fama, nomini gloriōse quæsitā, propagata. Quam quidem illi, non mobilis sæculi fauor, non eblandita officia, sed viginti quatuor annorum, perpetuus in Cathedrali Cracouiēsi Ecclesia, in graui illo & politissimo hominum præstantium catu, concionandi labor, meritissimè conciliauit. Quid ergo, infra quàm ieiunus & infirmus ex schola & vmbra Rhetor, plausibilem & Diuinū in luce Ecclesiæ, & supra quàm optimum Oratorem, Canonem dicentium, etiam opinione sanctimonix commendatum aggrediar exornare? Sed tamen inhumanū foret, & inciuile taciturnitatis genus: si eius in Ecclesiam & Clerum promerita maxima, supremo carerent honore: per quem est perfectum, vt nè iustus viris bonis honos, defuisset vnquam. Quocirca ita in commemorandis eius versabor virtutibus; vt si non omnia, tam arcto temporis curriculo comprehendi poterunt: vt nihil tamen ex eis quæ dicentur, vana assentatione simulatum videatur. Et cum plerumq; fit, vt res quæ nihil in se pretij & admirationis habeant: vel commendātis ingenio, aut verborum artificio, dignitatem & pretium, & meliorem quærant opinionem: ego tenui & simplici orationis

tionis cultu, facta ipsius præstantissima proponam. Cum & idem ipse, non tam verbosa simulatione sapientiæ, quàm laboriosa pietatis Christianæ institutione magis commendari vellet. Dicam itaque quàm splendide in sacerdotio, quàm ardentem in Concionatoris diuturno officio hæc lucerna fulsisset.

Ad graue & arduum sacerdotij munus, quò eum à teneris Diuina comparabat vocatio, vt commodius aspiraret: eruditione & literis, viam sibi communiuit. Paruâ ætate ad Academiam Crac: missus, viro probo & docto *Martino Szlachetinski*, quem ex tali discipulo cognoscat quisque, adhæsit. Fuit hic ea felicitate Professor, vt quem in curam suam suscepisset, hominem non putares, qui non è vestigiò in alium, vitâ, moribus, disciplinâ commutaretur. Huic itaque se poliendum permisit, quasi iam vel in ipsius Præceptoris delectu, cum optimum & probatissimum quæreretur, diuinaret: se non sibi duntaxat & Musis, vt ille Aspendius Cytharædus canere debere: sed Ecclesiæ & populo, legem Dei, vbi res & tempus postularint: narrare oportere. Exinde ad nutû omnem Præceptoris sui fuit, eius non suo vixit arbitrio: non ad horam esse, imperata non subito exequi, ingenij & industriæ frequenter indicta exercitamenta non præstare, promptè & suauiter; nefas arbitratus. Expressit nimirum affectum in Præceptorem optimi illius discipuli, qui ad studium, ad Magistrum, primum se venisse solere, vltimum semper exiisse testatus est. Admiratus

frequenter optimus Præceptor industriam iuuenis, quæ
ætatem præcurreret: complexus ingenium ad omnia
flexile: laudauit non rarò mentem ad grauiora intelli-
genda non hebetem. Plurimùm fortunatus, quòd sine
nausea & fastidio docendi, iuuenem esset nactus sagacẽ.
Dissimilis eius miseri, qui cùm alicuius crasso & Bæoti-
co capiti, frequenter iteraret, insculperet: neque tamen
quicquam eius operâ imprimi potuit; laborem ad ex-
tremum perosus infructuosum, inquit.

Implere te nequeo capientem nihil,

Sapientia dicta infundens in fatuum virum.

Tàm laudato Præceptore NV CERINVS noster,
cum breui in literis fecit fructum, vt Encyclicas artes,
quibus ad humanitatem iuuentus informari solet, per-
egregiè didicisset. Eius dictio vtraque, seu libera siue
pedestris, vbertatem & acumen, cum ornatu & grauita-
tẽ temperabat. Nihil molle, nihil ineptè fluens, nihil
extra laxum: sed omnia siue Oratorijs, siue Poëtarum
lëgibùs, scitè nexa & deuincta. Non dico de celeritate
ipsius in reconditiõibus Philosophiæ studijs: cui nihil
ita retrusum & abditum obscuritate esset; quod non in-
uestigaret, comprehenderet, atq; alijs etiam faceret pla-
num. Et quia ad perfectionem artium humanarum, &
hominis politioris elegantiam, Musicam pertinere ex-
istimauit: hoc genus studij ita perfectè tenuit: vt eius
etiam laboris & operæ, Hymni Ecclesiastici habentur, ad
numerus & modulationem Musicam, artificiosè & iu-
cundè

cundè elaborati. Tàm præcocem itaq; eius doctrinæ in ætate adhuc immatura famam, publico Academiae ornari oportuit testimonio; quod quidem Artistica & Philosophica consecutus est laurea. Cuius apud nos educationis, ita ille gratus fuit; vt cùm autoritate magni in Repub: viri induceretur, vt curaret quiddam, quod ille non futurum ex re Academiae arbitraretur: respondit modestè, vt homini insigni, prudenter vt in causâ graui. Se propè mancipem esse loco isti, & teneri obligatione iuliurandi dati Academiae; hîc se institutum, ab his principijs ad hominum existimationem emanasse: nol- le sibi id accidere, quod alicui qui præter fidem egerat, accidisset: cùm in fronte eius, quò apertius ab omnibus nosceretur, scalpro impressum esset: *Hic ingratus est.* Refundat tibi, tenacissime fidei & amicitiae cultor, refundat inquam tibi nunc largiter, cælestis eam gratiam benignitas: quòd non erubuisti nomen & paupertatem nostram, in magnis illis fluctibus, coràm Principibus, libero animo, & fidei profiteri. Cùm itaq; tempus appeteret, vt vitam suam & conditionem ordinaret: Deo se & sacris addixit altaribus; sanctis initiatus ordinibus. Cùm nullam quæreret sortem in sæculo: in partem hæreditatis Domini concessit. Ad sacerdotium adiit, nō vt seipsū quæreret: verum vt in spiritu, Domino ministra- ret. TARNouix primū loco tunc florente, & culto- fatis, Concionatoris munere functus, sancti huius tyro- cinia exercuit officij. Sed quid dico tyrocinia? qui di- centem

centem audierant, veteranum non ætate, sed dicendi
facundia & grauitate, existimarunt. Vnde magnus ho-
mini à populo illo & vicinia, quæ ad eum conflueret au-
diendum honos, & veneratio magna. Sed nobiliori
& conspectiori loco, lucernam istam comparabat Deus,
quam in sanctiùs transferret Ecclesiæ candelabrum. In-
spirauit illustri & pientissimæ Heroinæ CONSTANTIÆ MY-
SZKOWSKA, olim Capitaneæ Dobczycen. quæ germana
fuiſſet Magni olim Herois Marchionis Gonzagæ Mar-
schalci Regni. cuius, præſens Illuſtris & Magnificus D.
FRANCISCVS DEMBIENSKI, laudatiſſimus ex filia ne-
pos, mærens ob amiſſum Domus ſuæ beneficiarium gra-
tiſſimum, & amicum probatiſſimum; inſpirauit, inquã,
huic religioſiſſimæ Heroinæ, vt homini per quem ſpiri-
tus Dei, ad cor eius loqueretur, temporaneis inſeruiret
fortunis. Hæc vel vna fuit ex beatis illis felicis ſæculi
fæminis, quæ Saluatori abundè, & viris Apoſtolicis de
facultatibus ſuis miniſtrarent. Itaque cùm eſſet lauta
ſatis & abundante fortuna, nec magno abeſſet abinde
interuallo, vbi ille in ſeruitio Dei eſſet, & frequenter elo-
quia Dei ſuæ felicitatis præſagia, ex ore eius exciperet: co-
gitare cepit, hominem iſtū, potiore dignum eſſe honore
& loco. Vt multa in pauca conferam, eum ſtatim honeſtis
ornare præſidijs: iuuare peculio, ſufficere laneum & line-
um veſtitum, ſupelleſtilem librariam prouidere: matris
propè indulgentiſſimæ proſequi cepit affectu. Neque
illud tantū, ſed quò foret Deo & Eccleſiæ ornatior, in
Italiam

Italiam emisit; sumptum liberalem fecit. Iuit ille, quò
eum per beneficam & munificentissimam, nunquam
satis memorandæ Heroinæ manum, Dei spiritus egit.
Vixit Romæ, auctiora sibi ingenij & eruditionis con-
quirebat instrumenta: & cùm satis quæsitum arbitra-
retur, factus Theologiæ Doctor. Ac primùm tanto
in se illustris Heroinæ beneficio, ita respondit; cùm
eam in ijs quæ essent spiritus ita instrueret, vt dignam
cælo, dignam DEO, dignam diuina vocatione, & cæ-
lesti sponso efficeret. Quæ vbi cælesti afflatu inspira-
ta, posthabitis mundi ludibrijs, totam se DEO, & san-
ctimonix claustrali addiceret: annisque aliquot in re-
ligione sanctè exactis, ab hominibus exiisset: eius ille
vocationem, profectus in spiritu, vitam in religione cæ-
lestem luculenter descripsit. Verùm vt eò reuertat vn-
de longiùs defluxit oratio: à primo suo ex Italia reditu,
designatus ab Illustrissimo Episcopo BERNARDO
MACIEIOWSKI, Seminarij Cracouienfis Præfe-
ctus. Quod graue munus, ex quo pendeat Ecclesiæ
dignitas, & Diocesis totius emolumentum in se susci-
pere, magnæ virtutis: sed laudabiliter perficere, Diui-
næ cuiusdam felicitatis fuit. Interea omnes cogitatio-
nes & studia eò contulit, vt gregi Dominico, quem
sibi Deus in hæreditatem suam eo in loco secreuisset, &
aleret: exemplo, integritate, innocentia præluceret.
Quorum ille tam in literis, quàm in spiritu progressio-
nes, tantidem, quanti vitam suam, aut fidem Deo da-

tam fecit. Nihil dico qua esset ad honestatem eorum
tuendam cautione: quâ in docendo sollicitudine & at-
tentione: quàm accurata & continuâ, vt vnumquemq;
de integro interpolaret, vigilantia; cùm fidelissimè &
grauissimè moneret, quid eos sequi, vnde abhorre-
re, vt inoffenso vitæ cursu, ætatem suam decurrant, oporteret.
Ex quo consecutum est, vt insignem ex tali institutione,
Dioecesis tota perciperet fructum. Nam quicumq; ex ea
perfecti disciplina; quasi exempla quædam sacerdotalis
sanctitatis, inter homines versabantur. Etenim in ope-
ribus & sermonibus eius integerrimis, quasi in libro o-
riginali, iam ante legerant: quomodo eos cùm Deo am-
bulare, & cum hominibus viuere oporteret. Quid au-
tem, sui in sacerdotali functione officij, quam non im-
memor? cùm se sacerdotem, & quidem Domini sacer-
dotem recordaretur: cuius non terra Domini, sed ipse
Dominus pars & hæreditas esset. Quàm frequens illi
& meditata ad sacrosanctum Sacrificium accessio: cùm
non sacramentaliter tantum diuinissimum tractaret sa-
cramentum: sed deuotionis etiam & attentionis incre-
dibili affectu. Quàm pia & religiosa rerum cælestium
contemplatio: quàm humilis sui & rerum terrenarum
propter Deum abdicatio. Quanta verò in victu mode-
ratione & parsimonia fuit? cùm etiam vino, quo inter-
dum reficeret vires: aut nunquam, aut exiguo admodum
vteretur, & omni quod inebriare posset abstinere: alios
etiam grauiter abinde abstergeret. Cùm sciret sacerdo-
tis cul-

tis culpam, populi ruinam esse. Idcirco in eum circum-
spectus fuit viuendo modum, cum itentidem secum il-
lud Apostoli reuocaret, quod Christus *eripuit nos ab ope-
ribus mortuis, ad seruiendum Deo viuenti.* Infidebat
nimirum in eius mente Christi spiritus, ita vt diuinus
hic Sacerdos, sacrarium atque dedicatum Christi tem-
plum possit existimari.

Sed ecce extulit ad conspectiorem locum DEVS.
hanc lucernam, quæ populum, cælestis sapientiæ, &
sanctorum splendoribus collustraret; Ordinarium Ca-
thedralis Ecclesiæ Cracouiensis Theologum esse iussit.
Hic ille secum cogitare, quid laboris in se susciperet: in
cuius famulatu, quâ vocatione & munere esset: quàm
lubrico & præcipiti in loco staret; nè, si alijs prædica-
ret, nec prior ea in se formaret, quorum in alijs induce-
ret lineamenta; nè, si errata populi, ficta assentatione
palparet; ipse sibi formidandum, vitæ & salutis accer-
feret discrimen. Hæc considerans ita commouebatur
animo, ita modestiâ sua grauissimum illud officium re-
fugiebat; & reflexisset, nisi eius qui vocauit, & idoneū
muneri decenter peragendo, facturus erat, fiduciâ nite-
retur. Cui muneri commodiùs & sanctiùs obeundo,
binas antecessiones doctrinæ & vitæ adhibuit: vt doce-
ret, & luceret. Tanquam cælum amænissimum, quod
doctrinæ spiritualis imbribus affatim plueret, & sanctæ
vitæ radijs splenderet. Tanquam Angelus omni-
potentis DEI, qui postquam hominibus Saluatorem

mundo editum nunciaret, eius lux subitò circumfulsit omnes. Offerebat populo ad audiendum confertissimo, non filiquas, aut secundarium cibum, humana duntaxat tractans: sed secreta Dei, & mysteria profundiora aperiens, selectos panes, pabulum diuinorum verborum animabus ministrabat. Dederat illi qui

mittebat eum DEVS, velut suo Prophetæ frontem adamantinam & filiceam: vt esset suarum patiens & tolerans iniuriarum, ad Diuinas autem nimium quàm ex-

libertate dicendi in publico, cùm acriter pro lege Dei staret, vbi res & necessitas postulabat, priuatim modestus & taciturnus, vtebatur; nè si dissimulasset, suam calamitatem aliquando deploraret. *Væ*

mihi quia tacui, quia vir pollutus labiis ego sum. Eam ob causam fuit vt fortissimus athleta Christi, cuius virtus ex vulneribus crescit, & magnanimitas minarum

terroribus augetur. Sermo eius non tanquàm cymbalum aut crotalū, quod extremas tantùm raderet auriculas: sed tanquàm gladius bis acutus, animam vsque diuidens excipiebatur. Periclem ita vehementem in dicendo fuisse

memorant, vt etiam aculeos in animis audientium defigeret. Esto verum vt lubet, quod popularis illius sæculi ad iactantiam confinxit simulatio. Nos quod oculis vsurpauimus, quod auribus hausimus, cùm frequens populi corona, vbi faces dicendi adhibuisset: vbi ani-

morum latebras peragraret dicendo: eius dictis inflammata, aut cælestium bonorum cupiditate arderet: aut

timore

timore periculi præsentis, in gemitus & lachrymas solueretur; quantam vim eius orationis, quos stimulos, quos aculeos fuisse credemus? Audiebat populus non tanquam ab homine, sed tanquam ab Angelo, dicam potius tanquam à Deo verbum eius: quod ille, non voce solum, sed operibus etiam ipsis annuntiaret. Atque illud in docendo accuratè providebat, vt paruitati aliorum, aliorum perfectioni se attemperaret: alijs lac, solidiorem alijs depromens cibum. Quo affectu, quo labore, quo studio, quis dicet? Cùm iam non mediocriter langueret, & tempus quadragesimalis abstinentiæ adesset, vbi quater in hebdomadam concio facienda fuit; homo corpusculo non leuiter languens, sed spiritu Dei nimium quàm feruens, ei se operi laboriosè accingebat. Dicebatur illi, consuleret sibi: abstineret tantisper ab eo munere: scire omnes quàm in debilitate valetudinis esset. Ille verò nequaquam sibi persuadere passus: *Malle vitam sibi non superesse, quàm officium in se desiderari,* respondit; & tota Quadragesima, cum morbo & labore hic seruus Dei luctabatur. Ad hoc autem sollicitum concionandi munus, qui non labores alij accedebant? Toti Diocesi, ne dicam Ecclesiæ in Regno toti, cùm necessitas requireret, & modesta eius humilitas pateretur: obsequium: librorum censura omnium: procuratio spiritualis sanctimonialium virginum: operosa ex Italico in popularem sermonem tractatio Vitæ S. Terefiæ: Cleri examina: informationes; vt meritò di-

cere potuisset, sibi nunquam ferias, aut liberum etiam respirandi tempus à tot oneribus contingere posse. Nunc itaque anima hæc sancta, ad salutem mundo annuntiandam à Deo missa, postquam munere suo, & legatione pro Christo laudabiliter defuncta esset; ad eundem iteratò, tanquam columba à ~~T~~arcam Noe, feliciter & pacificè reuertit. Sed antequam emigraret, ea quæ labore graui comparasset, in opera pietatis dissipauit. Cum ita vltimam voluntatis suæ ordiretur testationem- *Aduena ego sum, & peregrinus, sicut & omnes patres mei. Non abest autem à probro, peregrinum ex hospitio, in quod diuerterat, rebus vsui suo traditis incompositis abire. Potius decet eam fide, quàm acceperat redditis: cum gratiarum actione, salutato hospite, itineri sese dare, &c.* Eius itaque hospitij peregrini, & profectionis suæ memor, talem in abeundo fecit ordinationem. RR. PP. Discalceatis instructissimam optimis libris Bibliothecam, cum armarijs addixit, & inscripsit, vbi & locum sepulturæ ipse sibi delegit. Argentum factum, quodcunque est, tametsi modicum, Religiosis Sanctæ Teresiæ Sanctimonialibus, tam Cracouiæ quàm Lublini partitus. Ecclesiæ Sendomiriensi & Scarmiriensi suppellectilem sacram ad altaria legauit. Ecclesiæ S. Annæ Crac. Concionatorem annuo censu ampliore prouidit: quinque studentibus in Academia, videnos grossos in personam hebdomadatim assignauit, & censum emit: nec HOSPITALIUM SANCTI SPIRITVS & sancti Rochi oblitus. Insper

Insuper, locus & homo ad quem aliquomodo pertine-
ret non fuit; cui non optimè in extremo discessu vellet.
Sed hæc ille, & multo alia plura opera benefica, quâ in
vita modestia, & sine iactatione fuit, arctissimè voluit
fileri.

Beata & DE O placens anima, in magnâ sum spe,
& quemadmodum confido verissimâ; quod tuos pro
DEO & salute hominum labores, cælestis respexit
clementia! Et qui tibi canoram prædicationis tubam,
& lampadem, bonorum operum ardentem, inter ho-
mines victuro & viuenti obtulerat: idem ille, postquam
corporis tui dissoluta laguncula, ad victoriam non de-
fuit supremam. Aut si fortè (vt hominis, etiam quan-
tumlibet iusti, vita non sine trepidatione est) aliquid
offensum & titubatum; hic Clerus & populus, qui tuo
mæret & languet habitu, pro te supplices ad DEVM ten-
dit manus. Cùm verò nobis omnibus in tuis codicil-
lis supremum illud VALETE, Valetè, Valetè, incla-
mares ter: & tu extremum VALE, & nos eo ordine,
(quanquam non æquis meritorum passibus) quo na-
tura, & Dei voluntas ferret, expecta. Nunc tibi supre-
mo precamur sermone, vt ille te æternùm amplissimis
ornet præmijs, pro cuius nomine & gloria apud homi-
nes propaganda, omnes ætatis industriæque tuæ
neruos, ad vltimum vsque vitæ diem,
laudabiliter conten-
disti.

D I X I.

Epilogus additus.
Certe de igitur & labora, ut consue tuum legisti
rias: ut libere dicere possis in Aplo. Boni
fide seruauit.

vest mi det nri bñs in illa die, iustis iudex.
Hō solū aut. nri sed & iis q diligēt aduēti
eig: ipsi sit honor & gloria, in secula
seculorū Amen.



XXIV 6 163